

Majlis Sambutan Maulidur Rasul SAW Peringkat PU Kuching Tahun 1437H/2015M

airforce.mil.my/berita/berita-dari-pangkalan/456-majlis-sambutan-maulidur-rasul-saw-peringkat-pu-kuching-tahun-1437h-2015m

KUCHING, 7 Jan 16 –Majlis Sambutan Maulidur Rasul SAW Peringkat Pangkalan Udara Kuching Tahun 1437H/2015M telah diadakan dengan jayanya bertempat di Surau Amru Al' Ash, RKAT TUDM Batu 10 ½ .

Dengan bertemakan “Perpaduan Nadi Transformasi Negara”, majlis tersebut turut diserikan dengan kehadiran Komander Pangkalan, Kol Hj Saharuddin bin Mansor TUDM dan isteri, Puan Fuziah bt Kamaruddin.

Terlebih dahulu, para peserta kontinjen telah mengambil bahagian dalam perarakan Maulidur Rasul, yang bermula dari hadapan Rumah BAKAT dan turut diiringi oleh alunan selawat kepada Baginda Nabi SAW. Majlis sambutan ini diserikan lagi dengan persembahan qasidah dari Madrasatul Quran Tan Sri Marzuki Seri Abadi, Petrajaya, Kuching, bacaan rawi oleh Tn Hj Rosli bin Suhaili dari Kampung Haji Baki dan ceramah agama yang bertajuk Rasulullah SAW – Kehidupan Rumahtangga Satu Qudwah oleh Tn Hj Sarbini bin Dahlan dari Harakah Islamiah (HIKMAH) Sarawak.

Pada majlis itu juga, Komander Pangkalan telah menyampaikan anugerah Tokoh Maulidur Rasul SAW kepada Kpl U Abdul Harun bin Jingow dari Skn Provos bagi kategori lelaki dan Sjn U (W) Norazeaniey bt Meboh Abdullah dari Skn 330 bagi kategori wanita.

